

## SONA VIOLA SONA

An fach 'na granda festa, au borg de Sant-Andiòu  
'qui li venguet 'na princessa, filha dau Rei espanhòu  
Sòna viòla sòna, sòna que ieu me'n vau!

Un maco l'a raubada, un ladre de Turin  
li a fach teisse una fauda, tot d'aur e de satin  
a chivau l'a menada ai pais d'eilalin

an cavaucat tant d'oras, de vespre e de matin  
la dama sempre plora, sempre se va morir  
sòna viòla sòna que 'jà ne'n siáu partit!

« De que plorez la dama ? Es-ti d'anar a chivau  
ò ben d'estre venduda ai país d'eilavau »  
sòna viòla sòna, sòna que ieu me'n vau

« Es la fauda que m'estofa que siáu sarrada dins  
donatz mi vòst'espada, talharai lo satin  
l'aur serà par lei damas, lei damas de Turin! »

Entre que ten l'espada, lo coteu majorquin  
lo si planta en la fauda, ven rotge lo satin  
sòna viòla sòna que me'n vau par camin

Siáu fòu d'aquest' istòri, siáu mau de v'aguer vist  
per pecat de memòri, lo joglaire es maudit  
sòna viòla sòna, que 'jà ne'n siáu partit !

**music : trad majorquin e jmc / paraulas : jmc**